

**Պատմության օլիմպիադայի հանրապետական փուլ (2021-2022 ուսարի)**

12-րդ դասարան (տևողությունը՝ 150 րոպե)

**ա) Հայոց պատմություն (20 միավոր)**

1. Ե՞րբ է ստեղծվել Միտանիի թագավորությունը. 0,5 մ.  
 ա) Ք.ա. XIII դ.                      բ) Ք.ա. XVI դ.                      գ) Ք.ա. XIV դ.                      դ) Ք.ա. IX դ.
2. Ո՞վ է Լևոն 1-ինի՝ մահապատժի ենթարկված որդին. 0,5 մ.  
 ա) Մլեհ                                      բ) Թորոս                                      գ) Ստեփանե                                      դ) Ռուբեն
3. Որտե՞ղ է գտնվել Հերմոնի դպրոցը. 0,5 մ.  
 ա) Սյունիք                                      բ) Ղրիմ                                      գ) Արցախ                                      դ) Էջմիածին
4. Ո՞վ է 1878 թ. Պետերբուրգում հանդիպել Ալեքսանդր II կայսրին. 0,5 մ.  
 ա) Խորեն Նարբեյ                      բ) Մկրտիչ Խրիմյան                      գ) Մինաս Չերազ                      դ) Գրիգոր Օտյան
5. Ո՞ր թվականին է լույս տեսել ռուսահայ առաջին պարբերականը. 0,5 մ.  
 ա) 1800 թ.                                      բ) 1810 թ.                                      գ) 1804 թ.                                      դ) 1816 թ.
6. Քանի՞ տարրական դպրոց էր գործում ՀՀ-ում 1919 թ. վերջին. 0,5 մ.  
 ա) 450    բ) 300    գ) 261    դ) 1000
7. Ո՞ր թվականին է կազմացրվել 390-րդ դիվիզիան. 0,5 մ.  
 ա) 1941 թ.                                      բ) 1942 թ.                                      գ) 1944 թ.                                      դ) 1956 թ.
8. Ե՞րբ է ԼՂՀ գերագույն խորհրդի նախագահ ընտրվել Արթուր Մկրտչյանը. 0,5 մ.  
 ա) 1991 թ. դեկտեմբերի 10-ին                      բ) 1992 թ. հունվարի 8-ին  
 գ) 1991 թ. սեպտեմբերի 2-ին                      դ) 1992 թ. հունիսի 2-ին
9. Ե՞րբ է Արևելք ուղարկվել Պետոս զորավարը: 0,5 մ.
10. Ո՞ր թվականին ընդունված ԽՍՀՄ սահմանադրությամբ է լուծարվել Անդրկովկասյան Դաշնությունը: 0,5 մ.
11. Ո՞վ է եղել հայ առաջին քաղաքական լրագրի փաստական խմբագիրը: 0,5 մ.
12. Որքա՞ն այլուր է ստացվել 1919 թ. մայիսին ԱՄՆ-ից: 0,5 մ.
13. 1919 թ. տեղի ունեցած իրադարձությունները դասավորե՛ք ժամանակագրական ճիշտ հաջորդականությամբ. 1 մ. (1 սխալի դեպքում՝ 0 մ.)  
 ա) Պետական լեզվի մասին օրենքի ընդունումը  
 բ) Ոսուցչական սեմինարիայի բացումը  
 գ) Երևանում հայ արվեստագետների ցուցահանդեսի բացումը  
 դ) Նախարարների խորհրդի կողմից հանրային մատենադարան հիմնելու մասին օրենքի ընդունումը  
 ե) Թիֆլիսում Անտանտի ներկայացուցիչների մասնակցությամբ հայ-վրացական հաշտության կոնֆերանսի հրավիրումը  
 զ) Սերգեյ Մելիք-Յուլյանի կողմից «Զանգեզուր-Ղարաբաղ» մարզային խորհրդի նախագահի պաշտոնի ստանձնումը  
 է) Փարիզի խաղաղության խորհրդաժողովի բացումը  
 ը) Փարիզում Հայոց ազգային համագումարի ավարտը  
 թ) Փարիզում հայկական պահանջների համատեղ հուշագրի ստորագրումը

1	2	3	4	5	6	7	8	9

14. Կազմե՛ք համապատասխան զույգեր. 1,5 մ. (6 X 0,25 մ.)
  1. ՀԿ(բ)Կ կենտկոմի առաջին քարտուղար
  2. Հայաստանի ներքին գործերի ժողկոմ
  3. Ամերիկայի հերոս
  4. Լենինգրադի կուսմարզկոմի առաջին քարտուղար
  5. Ֆրանսիայի դիմադրական շարժման հերոս
  6. Անդրկովկասի կուսակցական երկրային կոմիտեի առաջին քարտուղար

ա. Երվանդ Դերվիշյան                      բ. Միսաք Մանուշյան                      գ. Աղասի Խանջյան  
 դ. Ս. Կիրով                                      ե. Խաչիկ Մուղղուսի                      գ. Լ. Բերիա

1	2	3	4	5	6

15. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)
- ա) Արմավիրը գտնվում է Արարատյան դաշտի արևելյան մասում՝ Արաքսի ձախ ափին, ձգվում է հրաբխային ծագում ունեցող մի շարք բլուրների վրա:
  - բ) Արտաշատի՝ վերջին տարիների պեղումների բացառիկ հայտնաբերումներից էին Արեգ-Միհրի տաճարը և խճանկարագարդ հասարակական բաղնիքը, ինչն ընդհանրապես հազվագյուտ հանդիպող երևույթ է Հին աշխարհում:
  - գ) Վասպուրականով էր անցնում միջազգային առևտրի հարավային ուղին, որի վրա առաջացել էին առևտրական խոշոր կենտրոններ՝ Վանը, Բերկրին, Արծնը, Մանազկերտը:
  - դ) 1850 թ. Երևանի բնակչության թիվը կազմում էր 11 600, իսկ Ալեքսանդրապոլինը (Գյումրի)՝ 12 300:
  - ե) 1893 թ. տվյալներով՝ Կարինում ապրում էր 40 000, Վանում և Բիթլիսում՝ 30 000-ական մարդ:
  - զ) 19-րդ դարի երկրորդ կեսին Վաղարշապատի կենտրոնական մասը Էջմիածնի Մայր աթոռի շինարարական գործունեության ծավալման շնորհիվ կառուցապատվել է մի շարք կոթողային շենքերով, որոնց թվում էին Գևորգյան ճեմարանը, նոր վեհարանը, մատենադարանը, աստղադիտարանը:
  - է) Հայաստանի առաջին Հանրապետության կառավարության ջանքերով տարբեր գավառներում՝ Երևանում, Կարսում, Լոռիում, Փամբակում, Վեդիում և այլուր, բացվում են դպրոցներ՝ թուրք-թաթարների, ռուսների, հույների համար:
  - ը) Խորհրդային առաջին տասնամյակներին քիմիական արտադրության նոր կենտրոններ են դարձել Ղարաքիլիսան (Վանաձոր) և Չարենցավանը:
  - թ) 1961 թ. Արփա-Սևան թունելը շահագործման է հանձնվել, որի արդյունքում կասեցվել է Սևանի մակարդակի իջեցումը, ապա սկսել է լճի մակարդակի բարձրացումը:

1	2	3

16. Ընտրե՛ք տերմինների 2 ճիշտ բացատրությունները: 1 մ. (2 X 0,5 մ.)
- ա) Հայաստանում 1-ին դարից սկսված ժամանակաշրջանը հայտնի է «բուն հելլենիստական» անունով:
  - բ) Արարատյան համահայկական թագավորությունը հինարևելյան տիպի դաշնային պետություն էր:
  - գ) Գահնամակով սահմանվում էր գահաժառանգության կարգը:
  - դ) Հայկական բանակում Բագրատունիների օրոք թագավորական տիրույթներից հավաքագրված ռազմիկներից կազմված զորամիավորումը կոչվում էր արքունի զունդ:
  - ե) Վաղ քրիստոնեական պաշտամունքային շինությունները հայտնի են բազիլիկ տաճարներ անունով:
  - զ) Արշակունյաց Հայաստանում մաղխազը վերահսկում էր օրենքների անխափան կատարումը թագավորության ողջ տարածքում:
  - է) Արքունի եկամուտներն ու ծախսերը տնօրինող պաշտոնյան Կիլիկյան Հայաստանում կոչվում էր պայյ:
  - ը) Արքունական հեծելազորի հրամանատարը Կիլիկյան Հայաստանում կոչվում էր մարաջախտ:

1	2

17. Տրված տարբերակներից ընտրե՛ք 3 սխալ պնդումները: 1,5 մ. (3 X 0,5 մ.)
- ա) 20-րդ դարի սկզբում Թիֆլիսում ստեղծվել է «Ինքնապաշտպանության կենտրոնական կոմիտեն», որտեղ վճռական դեր ուներ հայտնի ազգային գործիչ Ռոստոմը:
  - բ) 1895 թ. ամռանը Չեյթուն են տեղափոխվել հնչակյան Գարուն Աղասին (Կարապետ Թուր-Սարգսյան), մշեցի հայդուկ Մխո Շահենը (Մխիթար Սեֆերյան) և ուրիշներ:
  - գ) 1890 թ. հունիսին Կարինում եկեղեցու բակում օսմանյան զորքերը կրակ են բացել հայ ժողովրդի վրա և սպանել ու վիրավորել են 20 մարդու:
  - դ) Հրայր Դժոխքը ծնվել է 1864 թ. Սասունի Ահարոնք գյուղում, սովորել Մշո Ս. Առաքելոց վանքի դպրոցում, զբաղվել ուսուցչությամբ:
  - ե) 1901 թ. Հակոբ Կոտոյանը առաջ է քաշում զինված խմբով Ս. Առաքելոց վանք մտնելու և ինքնապաշարման դիմելու գաղափարը:
  - զ) 1908 թ. հոկտեմբերին Եգիպտոսի Ալեքսանդրիա քաղաքում ստեղծվել է Հայ սահմանադրական ռամկավար կուսակցությունը:
  - է) Կ. Պոլսում Ռուսաստանի դեսպան Մ. Գիրսը և Գերմանիայի դեսպան Հ. Վանգենհայմը 1913 թ. սեպտեմբերի 10-ին Արևելյան Հայաստանի համար կազմեցին 6 կետից բաղկացած բարենորոգումների ծրագիր:
  - ը) 1916 թ հունիսի 5-ին Նիկոլայ 2-րդը հաստատեց Թուրքիայից պատերազմի իրավունքով գրավված տարածքի կառավարման ժամանակավոր կարգը:

թ) 1919 թ. հուլիսի 5-ի դատավճռով Թալեաթը, Էնվերը, Ջեմալ Ազմին և Նազըմը հեռակա դատապարտվեցին մահվան:

1	2	3

18. Գտե՛ք, նշե՛ք և ուղղե՛ք սխալը.

1 մ. (2 X 0,5 մ.)

Կարսի կոնֆերանսում հայկական պարլիթարկության ղեկավար Խորհրդային Հայաստանի արտգործ-  
ժողովում Ալեքսանդր Բեկզադյանը թուրքերին առաջարկեց Խորհրդային Հայաստանին վերադարձնել միջ-  
նադարյան մայրաքաղաք Անիի ավերակները, Կողբի աղահանքերը, քեմալականների կողմից Ալեքսանդ-  
րապոլի դեպոյից թալանված գույքը և այլն:

19. Կարդացե՛ք սկզբնաղբյուրից մեջբերումը և պատասխանե՛ք հարցերին.

1,5 մ. (3 X 0,5 մ.)

«Մենք հաստատականորեն կձգտենք մեր առաջադրած հարցի դրական լուծմանը, որը կենսական նշանա-  
կություն ունի հայ ժողովրդի հետագա զարգացման համար»:

ա. Ո՞վ է նշված մեջբերման հեղինակը:

բ. Ի՞նչ պաշտոն էր նա զբաղեցնում:

գ. Ո՞ր թվականին է հնչեցվել այս միտքը:

20. Լրացրե՛ք տեքստում բաց թողնված հատվածները.

1,5 մ. (3 X 0,5 մ.)

Ավարայրի ճակատամարտից հետո հայ նախարարներից շարերն ամրացել էին Միջնաշխարհի, Տնորիքի,  
...-ի (1), Ուրիքի ամրոցներում և շարունակում էին պայքարը: ... թ. (2) հեռավոր արտորում նահապակվում  
են ... (3) կաթողիկոսը, Ղևոնդ երեցը և ուրիշներ:

21. Տրամաբանական խնդիր. Եթե Հայկական լեռնաշխարհում հնագիտական պեղումներից գտնված իրը  
5200 տարեկան է, բրոնզի դարի կոնկրետ ո՞ր պարբերափուլի (ժամանակաշրջանի) ընթացքում է ստեղծ-  
վել:

1 մ.

22. Աշխատանք Մեծ Հայքի ուրվագծային քարտեզի հետ.

1 մ. (2 X 0,5 մ.)


ա. Ո՞ր աշխարհն (նահանգն) է գունանշված:

բ. Հյուսիսում ո՞ր աշխարհի հետ է նրա ամենակարճ սահմանը:



23. Հայ նշանավոր ո՞ր պետական-քաղաքական գործիչն է պատկերված.

0,5 մ.



1. Աշխատանք պատմական ծաղրանկարի հետ. 1 մ. (2 X 0,5 մ.)  
 ա. 1918 թ. այս ծաղրանկարում ո՞ր պետությունն է տարածքային որոշ շնորհումներ ապահովում Օսմանյան կայսրության համար՝ ի հաշիվ արևելահայկական տարածքների:  
 բ. Ո՞ր պայմանագրի գրեհիկ արտացոլումն է ծաղրանկարը (նշե՛ք թվականը, ամիսը, օրը և վայրը):



**բ) Համաշխարհային պատմություն (10 միավոր)**

1. Ո՞ւմ հետ էր նույնացվում Եգիպտոսի Միջին թագավորության աստված Ռան. 0,5 մ.  
 ա) Իսիդաի բ) Ամոն գ) Օսիրիս դ) Օլիմպոս
2. Ո՞վ է հաջորդել Ռուսաստանի ցար Ալեքսանդր 1-ինին. 0,5 մ.  
 ա) Պավել 1-ին բ) Նիկոլայ 1-ին գ) Եկատիրինա 2-րդ դ) Պետրոս 1-ին
3. Ե՞րբ է ստեղծվել միջազգային օլիմպիական կոմիտեն. 0,5 մ.  
 ա) 1894 թ. բ) 1907 թ. գ) 1899 թ. դ) 1902 թ.
4. Ո՞վ է «Գիտելիքը ուժ է» խոսքերի հեղինակը. 0,5 մ.  
 ա) Ֆ. Բեկոն բ) Ռ. Դեկարտ գ) Ի. Նյուտոն դ) Գ. Գալիլեյ
5. Ինչպե՞ս էր կոչվում 1813 թ. Լայպցիգի մոտ տեղի ունեցած ճակատամարտը: 0,5 մ.
6. Համապատասխանեցրե՛ք. 1 մ. (4 X 0,25 մ.)
- |                |                |               |                  |
|----------------|----------------|---------------|------------------|
| 1. Օ. Շպենգլեր | 2. Մ. Վեբեր    | 3. Հ. Իբսեն   | 4. Ֆ. Ֆուկյուսմա |
| ա. սոցիոլոգ    | բ. մշակութաբան | գ. դրամատուրգ | դ. պատմաբան      |

1	2	3	4

7. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)
- ա) 1950 թ. սահմանադրությամբ Հնդկաստանը հռչակվել է խորհրդարանական հանրապետություն:  
 բ) 1950 թ. հոկտեմբերի 1-ին հռչակվել է Չինաստանի Ժողովրդական Հանրապետությունը:  
 գ) 1950 թ. Իրանում Մուհամմեդ Մոսադեղի գլխավորությամբ ստեղծվել է Ազգային ճակատը:  
 դ) 1983 թ. Թուրքիայի ընտրություններում հաղթել է Թուրգուտ Օզալի «Մայր Թուրքիա» կուսակցությունը:  
 ե) 1949 թ. սկսվել է արաբ-իսրայելական առաջին պատերազմը:  
 զ) Ճապոնիայում ամերիկյան ռազմակալական վարչակարգը գործել է մինչև 1946 թ.:  
 է) 1993 թ. սկսած Եվրոպական համագործակցությունը կոչվում է Եվրոպական խորհուրդ:  
 ը) 1951 թ. ստեղծվել է Աժխի և պողպատի եվրոպական միավորումը, որի մեջ մտել են վեց երկրներ:

1	2	3

8. Թվարկե՛ք՝

2 մ. (4 X 0,5 մ.)

ա. Ռեալիստական արվեստի նշանավոր ներկայացուցիչ գրողներից 2-ին,  
բ. Ռոմանտիկ նշանավոր երաժիշտ-երգահաններից 2-ին:

9. Աշխատանք ուրվագծային քարտեզի հետ.

1 մ. (2 X 0,5 մ.)



ա. Ո՞ր պետությունն է ընդհանուր գունանշված:

բ. Ո՞ր արքայի գահակալության օրոք եղած սահմաններն են առավելագույնս ընդգրկված:

10. Ռուս հայտնի ո՞ր գիտնականը և լուսավորականության շարժման ներկայացուցիչն է պատկերված. 0,5 մ.





- ա. Ո՞ր պետությունն է խորհրդանշում աջ կողմում պատկերված անձը:
- բ. Նշե՛ք ձախ կողմում նստած անձի անունը և ազգանունը:
- գ. Ո՞ր թվականին տեղի ունեցած ճգնաժամն է նկարում արտացոլված:

Հանրապետական օլիմպիադայի  
հանձնաժողովի նախագահ՝

ԵՊՀ հայոց պատմության ամբիոնի դոցենտ,  
պատմ. գիտ. թեկնածու Մ. Մալխասյան

09.03.2022 թ.